

MARBHRANN.

*Do Shir Iain Mac-Gilleain, a chaochail 'sa
bhliadhna 1716.*

LE IAIN MAC AILAIN.

Iomchir mo bhennachd
Gu baintighern Hamara,
Ben 's a bheil barrachd
De charantachd nadair.
Chunnic mise gu dlighech
A suilen ri snighe,
S i 'g airemh mar mhi-adh,
Sir Iain 'gar fagail.
Bha doruinn a cridhe
Cho mora ga 'ruighinn,
'S mar gum biodh e air tighinn
Bho dherbh nighinn a mhathar.
Gu cuimhnechan sceula
'Bhi tamull 'na dheidh air
Thug Mairerad na feile
Spor gheur do 'n fher-dhana.

Nach ionghnadh ri chlaistinn
Gu hheil mise o cheann fada
Ri turracairnich cadil
Is m' aicaid ro chraitech.
Tha cneidh air mo ghiulan,
Tha mi leisg air a dusgadh,
Air egal le 'burach
Gun uirich i 'm bas dhomh.
Gidhedh cha sceul ruin e,
Ach sceul a 's mor curam,
Sir Iain gun duscadh
An dluth chiste chlaran.
B'e sin ar fras dhumhil
'Mhill ar n-abhall 's ar n-ubhlan;
Rinn e doscinn 'bu mhu dhuinn,
Chuir e 'm flur bharr a gharidh.